

TEMA 4: Waspada Selalu!

DSKP Tatabahasa

Buku Teks: m.s. 50 – 51

Lengkapkan petikan di bawah ini dengan kata tugas yang sesuai. DSKP: SP5.1.3

daripada

akan

untuk

dan

di

boleh

oleh

yang

pada

tentang

Tibi turut dikenal sebagai batuk kering merupakan penyakit yang disebabkan (1) _____ oleh _____ bakteria *Mycobacterium Tuberculosis*. Bakteria tersebut sering menyerang bahagian paru-paru. Namun begitu, kadangkala tibi juga (2) _____ menyerang bahagian otak, jantung, tulang belakang, nodus limfa, kelenjar adrenal, dan bahagian usus manusia. Penyakit tibi boleh merebak melalui titisan air (3) _____ udara. Titisan air di udara ini terhasil (4) _____ batuk atau bersin manusia yang dijangkiti penyakit tibi.

Terdapat beberapa tanda seseorang itu dijangkiti penyakit tibi, antaranya termasuklah batuk berpanjangan melebihi dua minggu, batuk berdarah atau berkahak, sakit bahagian dada, lemah dan keletihan, turun berat badan, hilang selera makan, menggigil, demam, serta berpeluh (5) _____ waktu malam. Penyakit ini mampu menjangkiti seseorang tanpa mengira bangsa dan kedudukan geografinya.

Golongan yang berisiko tinggi (6) _____ mendapat jangkitan tibi antaranya termasuklah bayi, kanak-kanak, (7) _____ warga emas. Seterusnya, penyakit tibi juga mudah dijangkiti oleh pesakit yang menghidap penyakit yang kurang daya ketahanan badan seperti penghidap penyakit kencing manis, buah pinggang, dan kanser. Seterusnya, warga asing dari negara yang mempunyai kadar jangkitan penyakit tibi (8) _____ tinggi juga antara golongan yang berisiko untuk dijangkiti penyakit berbahaya tersebut.

Pihak sekolah perlulah memainkan peranan dengan memberikan kesedaran kepada murid-murid (9) _____ bahaya penyakit tibi. Para guru boleh mengajar tentang penyakit tibi dengan lebih terperinci agar murid-murid sedar (10) _____ bahaya dan ancaman penyakit tibi yang boleh meragut nyawa. Oleh sebab itu, usaha untuk menangani penyakit tibi ini ternyata melibatkan segenap lapisan masyarakat, bukannya pihak kerajaan semata-mata. Bak kata pepatah, tepuk sebelah tangan tidak akan berbunyi, itulah gambaran yang sesuai dalam usaha menangani penularan penyakit tibi di negara ini.



Kunci Kata

- bakteria – hidupan seni yang tidak dapat dilihat dengan mata kasar dan boleh hidup di udara, air, tanah dan di dalam tumbuhan, haiwan dan manusia
- adrenal – sesuatu yang berdekatan dengan atau berkaitan dengan buah pinggang
- kanser – penyakit barah
- risiko – akibat atau hasil yang kurang menyenangkan

(Dipetik dan diubah suai daripada *Dewan Siswa Bil. 12, 2018*.
Dewan Bahasa dan Pustaka)